



03 SEP, 2025

Zakat 13 syarikat, 1 individu

Harian Metro, Malaysia



Oleh Ruwaida Md Zain
am@hmetro.com.my

Klang

Sultan Selangor Sultan Sharafuddin Idris Shah berkenan menerima zakat perniagaan dan pendapatan berjumlah lebih RM64.9 juta daripada 13 syarikat korporat dan seorang individu kepada Lembaga Zakat Selangor (LZS) dalam satu majlis rasmi di Istana Alam Shah di sini, semalam.

Ketua Pegawai Eksekutif LZS Mohd Khaidzir Shahari berkata, mendahului senarai syarikat pembayar zakat itu adalah Menteri di Jabatan Perdana Menteri (Hal Ehwal Agama) Datuk Dr Mohd Na'im Mokhtar yang mewakili Lembaga Tabung Haji (TH) dengan menyerahkan RM28.01 juta.

"Ia diikuti oleh Cyberview Sdn Bhd yang diwakili Ketua Pegawai Eksekutif Kamarul Ariffin dengan menunaikan zakat perniagaan sebanyak RM5.43 juta dan Tenaga Nasional Berhad (TNB) berjumlah RM4.57 juta yang diserahkan oleh Ketua Pegawai Solusi Perniagaan Global Datuk Azmi Md Yusof.

"Kumpulan Gas Malaysia Berhad yang diwakili oleh Ketua Pegawai Eksekutif Kumpulan Ahmad Hashimi Abdul Manap pula menyerahkan zakat perniagaan berjumlah RM3.5 juta dan Bank Kerjasama Rakyat Malaysia Berhad mewakili Pengerusinya,

LZS TERIMA ZAKAT PERNIAGAAN RM64.9 JUTA

Zakat 13 syarikat, 1 individu



SULTAN Sharafuddin Idris Shah (tengah) berkenan menerima zakat Lembaga Tabung Haji sebanyak RM28.01 juta daripada Dr Mohd Nafim (dua dari kanan) pada Majlis Penyerahan Zakat Perniagaan di Istana Alam Shah, Klang.

Datuk Mohd Irwan Mohd Mubarak menyerahkan zakat perniagaan berjumlah RM3.42 juta.

"Sementara itu, PLUS Berhad yang diwakili Pengarah Urusan Datuk Airina Nik Jaffar menyerahkan zakat perniagaannya berjumlah RM2.60 juta.

"Turut menyerahkan zakat adalah Kumpulan Proton berjumlah RM3.19 juta, diikuti Kumpulan DRB-HICOM dengan serahan zakat sebanyak RM2.45 juta, ia diwakili Ketua Pegawai Eksekutif Kumpulan Tan Sri Syed Faisal Albar Syed A R Albar," katanya kepada me-

dia selepas majlis itu.

Turut hadir Pengerusi Majlis Agama Islam Selangor (MAIS) Senator Datuk Salehuddin Saidin, Pengerusi LZS Tan Sri Syed Anwar Jamalullail dan Timbalan Pengerusi LZS Tan Sri Ambrin Buang.

Di samping itu, Mohd

Khaidzir berkata, Northport (Malaysia) Berhad pula menyerahkan zakat perniagaan sebanyak RM1.64 juta, diikuti Maybank Islamic Berhad (RM1.6 juta) dan Kumpulan Etiqa Takaful berjumlah RM1.5 juta.

Menurutnya, Kumpulan

350,000

Anggaran bilangan penerima zakat di Selangor.

Peladang Kebangsaan (NAFAS) turut menyerahkan zakat perniagaan berjumlah RM1 juta dan Edgenta Infrastructure Services Sdn menyerahkan zakat perniagaannya berjumlah RM1 juta.

Katanya, seorang individu korporat, Datuk Kamarudin Meranun turut menunaikan zakat pendapatan berjumlah RM5.07 juta.

Dalam pada itu katanya, sumbangan besar itu memberi impak langsung kepada lebih 350,000 penerima zakat di Selangor melalui pelbagai program bantuan dan pembangunan sosioekonomi.

"Kami amat menghargai komitmen syarikat korporat dan individu yang terus menjadikan LZS sebagai saluran utama pembayaran zakat.

"Sumbangan ini akan dimanfaatkan bagi memperkuh agenda pembangunan asnaf, sekali gus menyokong kesejahteraan masyarakat Selangor," katanya.